

選擇本願念佛集上

君

受領第	門
一四七號	部
冊	號
明治	年
三月	月
淨土宗大學圖書	寄購入



0931	貴	年
2	重	月
1	書	日
佛教大學藏書		
第	147	号





選擇本願念佛集

南無阿弥陀佛

往生之業  
念佛為先

道綽禪師立聖道淨土二門而捨聖道正  
歸淨土之文

安樂集上云問曰一切衆生皆有佛性遠劫  
以來應值多佛何因至今仍自輪迴生死不  
出火宅答曰依大乘聖教良由不得二種勝



法以排生死是以不出火宅何者為二一謂  
聖道二謂往生淨土其聖道一種今時難證  
一由去大聖遙遠二由理深解微是故大集  
月藏經云我末法時中億億衆生起行修道  
未有一人得者當今末法是五濁惡世唯有  
淨土一門可通入路是故大經云若有衆生  
縱令一生造惡臨命終時十念相續稱我名

字若不生者不取正覺又復一切衆生都不  
自量若據大乘真如實相第一義空曾未措  
心若論小乘修入見諦修道乃至那含羅漢  
斷五下除五上無間道俗未有其分縱有人  
天果報皆為五戒十善能招此報然持得者  
甚希若論起惡造罪何異暴風駛雨是以諸  
佛大慈勸歸淨土縱使一形造惡但能數念



專精常能念佛一切諸障自然消除定得往生

生何不思量都無去心也

私云竊討夫立教多少隨宗不同且如有

相宗立三時教而判一代聖教所謂有空

中是也如無相宗立二藏教以判一代聖

教所謂菩薩藏聲聞藏是也如華嚴宗立

五教而攝一切佛教所謂小乘教始教終

教頓教圓教是也如法華宗立四教五味

以攝一切佛教四教者所謂藏通別圓是

也五味者所謂乳酪生熟醍醐是也如真

言宗立二教而攝一切所謂顯教密教是

也今此淨土宗者若依道綽禪師意立三

門而攝一切所謂聖道門淨土門是也問

曰夫立宗名本在華嚴天台等八宗九宗



未聞於淨土之家立其宗名然今号淨土  
宗有何證據也答曰淨土宗名其證非一  
元曉遊心安樂道云淨土宗意本為凡夫  
兼為聖人又慈恩西方要決云依此一宗  
又迦才淨土論云此之一宗竊為要路其  
證如此不足疑端但諸宗立教正非今意  
且就淨土宗略明二門者一者聖道門ニ

者淨土門初聖道門者就之有二一者大  
乘二者小乘就大乘中雜有顯密權實等  
不同今此集意唯存顯大及以權大故當  
歷劫逶迤之行准之思之應存密大及以  
實大然則今真言佛心天台華嚴三論法  
相地論攝論此等八家之意正在此也應  
知次小乘者惣是小乘經律論之中所明



聲聞緣覺新感證理入聖得果之道也准  
上思之亦可攝俱舍成實諸部律宗而已  
凡此聖道門大意者不論大乘及以小乘  
於此娑婆世界之中修四乘道得四乘果  
也四乘者三乘之外加佛乘次往生淨土  
門者就此有二一者正明往生淨土之教  
二者傍明往生淨土之教初正明往生淨

土之教者謂三經一論是也三經者一無  
量壽經二觀無量壽經三阿彌陀經也一  
論者天親往生論是也或指此三經名淨  
土三部經也問曰三部經名亦有其例乎  
答曰三部經名其例非一一者法華三部  
謂無量義經法華經普賢觀經是也二者  
大日三部謂大日經金剛頂經藥師地經



是也三者鎮護國家三部謂法華經仁王  
經金光明經是也四者弥勒三部謂上生  
經下生經成佛經是也今者唯是弥陀三  
部故名淨土三部經也弥陀三部者是淨  
土正依經也次傍明往生淨土之教者華  
嚴法華隨求尊勝等明諸往生淨土之諸  
經是也又起信論寶性論十住毗婆沙論

攝大乘論等明諸往生淨土之諸論是也

凡此集中立聖道淨土二門意者為令捨

聖道入淨土門也就此有二由一由去大

聖遙遠二由理深解微此宗之中立二門

者獨非道綽曇曇鳥天台迦才慈恩等諸師

皆有此意且雲慈鳥法師往生論注云謹案

龍樹菩薩十住毗婆沙云菩薩求阿毗跋



致有<sup>ヲ</sup>二種道一者<sup>ハ</sup>難行道二者<sup>ハ</sup>易行道難<sup>カ</sup>  
行道者<sup>ト</sup>謂<sup>フ</sup>五濁之世於無佛時求阿毗跋  
致爲<sup>ラ</sup>難此難乃有多途粗言<sup>ニ</sup>五三<sup>ニ</sup>以示義<sup>ヲ</sup>  
意<sup>ヲ</sup>一者<sup>ハ</sup>外道相善能<sup>レ</sup>乱<sup>レ</sup>菩薩法二者<sup>ハ</sup>聲聞  
自利障大慈悲三者<sup>ハ</sup>無願惡人破他勝德  
四者<sup>ハ</sup>顛倒善果能<sup>レ</sup>壞<sup>レ</sup>梵行五者<sup>ハ</sup>唯是自力  
無他力持<sup>テ</sup>如斯等事觸<sup>レ</sup>目皆是<sup>ハ</sup>譬<sup>ハ</sup>如陸路

步行則<sup>ハ</sup>苦易行道者<sup>ト</sup>謂<sup>フ</sup>但以<sup>テ</sup>信佛因緣願<sup>フ</sup>  
生淨土乘佛願力便得<sup>テ</sup>往生彼清淨土佛  
力住持即入大乘正定之取乘正定即是阿  
毗跋致譬<sup>ハ</sup>如水路乘船則樂<sup>ニ</sup>此中難行  
道者即是聖道門也易行道者即是淨土  
門也難行易行聖道淨土其言<sup>ニ</sup>雖異其意  
是同天台迦才同之應知又西方要決云



仰惟釋迦啓連弘益有緣教闡隨方並霑  
法潤親逢聖化道悟三乘福薄因踈勸歸  
淨土作斯業者專念弥陀一切善根迴生  
彼國弥陀本願誓度娑婆上盡現生一形  
下至臨終十念俱能決定皆得往生又  
同後序云夫以生居像季去聖斯遙道頑  
三乘無方契悟人天兩位躁動不安智博

情弘能堪久處也若識疑行淺恐溺幽塗

必須遠跡娑婆栖心淨域此中三乘者

即是聖道門意也淨土者即是淨土門意

也三乘淨土聖道淨土其名雖異其意亦

同淨土宗學者先須知此旨設雅先學聖

道門人若於淨土門有其志者須存聖道

歸於淨土例如彼曇鸞為法師捨四論講說



一向歸淨土道ニ綽禪師セシヤラ閣涅槃フ廣業ニ偏弘ハ

西方行上古賢哲猶以如此末代愚魯ハ

不遵之レ哉問曰テ聖道家諸宗各有師資相

承謂如天台宗者慧文南岳天台章安智

威慧威玄朗湛然次第相承如真言宗者

大日如來金剛薩埵龍樹龍智金智不空

次第相承自餘諸宗又各有相承血脉而

今所言淨土宗有師資相承血脉譜乎答

曰如聖道家血脉淨土宗亦有血脉但於

淨土一宗諸家亦不同所謂廬山慧遠法

師慈愍三藏道綽善道等是也今且依道

綽善道之一家論師資相承血脉者此亦

有兩說一者菩提流支三藏慧寵法師道

場法師曇鸞鳥法師大海禪師法上法師

上巳



出安 二者菩提流支三藏墨鷲法師道綽

樂集 禪師善道禪師懷感法師小康法師上

出唐宋 兩傳

善導和尚立正雜二行捨雜行歸正行之

文

觀經疏第四云就信者然行有二種一者正行二者雜行言正行者專依往生經行

行者是名正行何者是也一心專讀誦此觀

經弥陀經無量壽經等一心專注思想觀察

憶念彼國二報莊嚴若禮即一心專禮彼佛

若口稱即一心專稱彼佛若讚歎供養即一

心專讚歎供養是名為正又就此正中復有

二種一者一心專念弥陀名号行住座卧不

問時節久近念念不捨者是名正定之業順



彼佛願故若依禮誦等即名為助業除此正助二行已外自餘諸善悉名雜行若依前正助二行心常親近憶念不斷名為無間也若行後雜行即心常間斷雜可迴向得生衆名踈雜之行也

私云就此文有二意一明往生行相二判二行得失初明往生行相者依善導和尚

意往生行雜多大分為二一正行二雜行初正行者付之有開合二義初開為五種後合為二種初開為五種者一讀誦正行二觀察正行三禮拜正行四稱名正行五讚歎供養正行也第一讀誦正行者專讀誦觀經等也即文云一心專讀誦此觀經弥陀經無量壽經等是也第二觀察正行



者專觀察彼國依正二報也即文云一心  
專注思想觀空憶念彼國二報莊嚴是也  
第三禮拜正行者專禮彌陀也即文云若  
禮即一心專禮彼佛是也第四稱名正行  
者專稱彌陀名号也即文云若口稱即一  
心專稱彼佛是也第五讚歎供養正行者  
專讚歎供養彌陀也即文云若讚歎供養

即一心專讚歎供養是名為正是也若開  
讚歎與供養而為二者可名六種正行也  
今依合義故云五種次合為二種者一者  
正業二者助業初正業者以上五種之中  
第四稱名為正定之業即文云一心專念  
彌陀名号行住坐卧不問時節久近念念  
不捨者是名正定之業願彼佛願故是也



次助業者除第四口稱之外以讀誦等四  
種而為助業即文云若依禮誦等即名為  
助業是也問曰何故五種之中獨以稱名  
念佛為正定業乎答曰順彼佛願故意云  
稱名念佛是彼佛本願行也故修之者乘  
彼佛願必得往生也其佛本願義至下可  
知次雜行者即文云除此正助二行已外

自餘諸善悉名雜行是也意云雜行無量  
不遑具述但今且就對五種正行以明五種  
雜行也一讀誦雜行二觀察雜行三禮拜  
雜行四稱名雜行五讚歎供養雜行也第  
一讀誦雜行者除上觀經等往生淨土經  
已外於大小乘顯密諸經受持讀誦悉名  
讀誦雜行第二觀察雜行者除上極樂依



正已外大小顯密事理觀行皆悉名觀察  
 雜行第三禮拜雜行者除上禮拜弥陀已  
 外於一切諸餘佛菩薩等及諸世天等禮  
 拜恭敬悉名禮拜雜行第四稱名雜行者  
 除上稱弥陀名号已外稱自餘一切佛菩  
 薩等及諸世天等名号悉名稱名雜行第  
 五讚歎供養雜行者除上弥陀佛已外於

一切諸餘佛菩薩等及諸世天等讚歎供  
 養悉名讚歎供養雜行此外亦有布施持  
 戒等無量之行皆可攝盡雜行之言次判  
 二行得失者若修前正助二行心常親近  
 憶念不捨名為無間也若行後雜行即心  
 常間斷雖可迴向得生衆名踈雜之行即  
 其文也案此文意就正雜二行有五番相



對一親踈對二近遠對三有間無間對四  
迴向不迴向對五純雜對也第一親踈對  
者先親者修正助二行者於阿耨陀佛甚  
△為親昵故疏上文云眾生起行口常稱  
佛佛即聞之身常禮敬佛佛即見之心常  
念佛佛即知之眾生憶念佛者佛憶念眾  
生彼此三業不相捨離故名親緣也次踈

者雜行也眾生不稱佛佛即不聞之身不  
禮佛佛即不見之心不念佛佛即不知之  
眾生不憶念佛者佛不憶念眾生彼此三  
業常捨離故名踈行也第二近遠對者先  
近者修正助二行者於阿耨陀佛甚以為  
隣近故疏上文云眾生願見佛佛即應念  
現在目前故名近緣也次遠者雜行也眾



生サハ不ト願ラ見キ佛チ佛ス即セ不ニ應カ念ニ不ニ現ニ目カ前ニ故ニ名ニ  
 遠也但親シ近シ義シ是シ雖モ似ク一ニ善ニ道ト之ノ意カ分ケ而シテ  
 為ス二ニ其ノ旨ヲ見タリ疏ノ文ニ故ニ今ニ引キ釋ス也ニ第ニ三ニ無ニ  
 間有間對者先無間者修正助二行者於  
 彌陀佛憶念不間斷故云名為無間是也  
 次有間者依雜行者於彌陀佛憶念常間  
 斷故云心常間斷是也第四不迴向迴向

對者修正助二行者縱令別不用迴向自  
 然成往生業故疏上文云今此觀經中十  
 聲稱佛即有十願十行具足云何具足言  
 南無者即是歸命亦是發願迴向之義言  
 阿彌陀佛者即是其行以斯義故必得往  
 生上次迴向者修雜行者必用迴向之時  
 成往生之因若不用迴向之時不成往生



之因故曰雖可迴向得生是也第五純雜  
 對者先純者修正助二行者純是極樂之  
 行也次雜者是純非極樂之行通於人天  
 及以三乘亦通於十方淨土故云雜也然  
 者西方行者須捨雜行修正行也問曰此  
 純雜義於經論中有其證據乎答曰於大  
 小乘經律論之中立純雜二門其例非一

大乘即於八藏之中而立雜藏當知七藏  
 是純一藏是雜小乘即於四舍之中而立  
 雜舍當知三舍是純一舍是雜律則立三  
 十捷度以明戒行其中前十九是純後一  
 是雜捷度也論則立六捷度明諸法性相  
 前七捷度是純後一是雜捷度也賢聖集  
 中唐宋兩傳立十科法明高僧行德其中



前九是純後一，是雜科也。乃至大乘義章有，五聚法門前，四聚是純後一，是雜聚也。亦非顯教密教之中，有純雜法。謂山家佛法、血脉譜云：一胎藏界曼陀羅、血脉譜一首二、金剛界曼陀羅、血脉譜一首三、雜曼陀羅、血脉譜一首前二首是純後一首是雜。純雜之義，雖多，今略舉小分而已。當知

純雜之義隨法而不定。因茲今善導和尚意，且於淨土行論純雜也。此純雜義不高內典外典之中，其例甚多，恐繁不出矣。但於往生行而分二行，不限善導一師。若依道綽禪師意者，往生行雖多，束而為二。一謂念佛往生，二謂万行往生。若依懷感禪師意，往生行雖多，束而為二。一謂念佛往



生二謂諸行往生惠心如是三師各立二  
行攝往生行甚得其旨自餘諸師不然行  
者應心思之

往生禮讚云若能如上念念相續畢命為期  
者十即十生百即百生何以故無外雜緣得  
正念故與佛本願相應故不違教故隨順佛  
語故若欲捨專修雜業者百時希得一二十

時希得五三何以故由雜緣亂動失正念故  
與佛本願不相應故與教相違故不順佛語  
故係念不相續故憶想間斷故迴顧不慙重  
真實故貪嗔諸見煩惱來間斷故無有慚愧  
悔過故又不相續念報彼佛恩故心生輕慢  
雖作業行常與名利相應故人我自覆不親  
近同行善知識故樂近雜緣自障障他往生



正行故何以故余比目自見聞諸方道俗解  
 行不同專雜有異但使專意作者十即十生  
 修雜不至心者千中無一此二行得失如前  
 已辨仰願一切往生人等善自思量已能今  
 身願生彼國者行住坐卧必須勵心尅已晝  
 夜莫廢畢命為期正在一形似如少苦前念  
 命終後念即生彼國長時永劫常受無為諸

樂乃至成佛不逕生死豈非快哉應知

私曰見此文務須捨雜修專豈捨百即百  
 生專修正行堅執千中無一雜修雜行乎  
 行者能思量之

弥陀如來不以餘行為往生本願唯以念  
 佛為往生本願之文

無量壽經上云設我得佛十方衆生至心信



樂欲生我國乃至十念若不生者不取正覺  
觀念法門引上文云若我成佛十方衆生願  
生我國稱我名号下至十聲乘我願力若不  
生者不取正覺

往生禮讚同引上文云若我成佛十方衆生  
稱我名号下至十聲若不生者不取正覺彼  
佛今現在世成佛當知本誓重願不虛衆生

稱念必得往生

私云一切諸佛各有物別二種之願惣者  
四弘誓願是也別者如釋迦五百大願藥  
師十二上願等是也今此四十八願者是  
弥陀別願也問曰弥陀如來於何時何佛  
所發此願乎答曰壽經云佛告阿難乃往  
過去久遠無量不可思議無央數劫定光



如來興出於世教化度脫無量衆生皆令

得道乃取滅度次有如來名曰光遠乃次

名處世如此諸佛五十三佛也皆悉已過今時

次有佛名世自在王如來時有國王聞佛

說法心懷悅豫尋發無上正真道意棄國

捐王行作沙門号曰法藏高才勇哲與世

超異詣世自在王如來所乃至於是世自在

王佛即為廣說多ニタキ二百一十億諸佛刹土人

天之善惡國土之廣妙應其心願悉現與

之時彼比丘聞佛所說嚴淨國土皆悉觀

見超發無上殊勝之願其心寂靜志無所

著一切世間無能及者具足五劫思惟攝

取莊嚴佛國清淨之行阿難白佛彼佛國

土壽量幾何佛言其佛壽命四十二劫時



法藏比丘攝取二百一十億諸佛妙土清  
 淨之行上已又大阿彌陀經云其佛即選擇  
 二百一十億佛國土中諸天人民之善惡  
 國土之好醜為選擇心中所欲願樓堧且  
 羅佛此云世自在王佛說經畢曇摩迦此云法藏便一千二百  
 其心即得天眼徹視悉自見二百一十億  
 諸佛國土中諸天人民之善惡國土之好

醜即選擇心中所願便結得是二十四願

經平等覺見經亦復同之此中選擇者即是取捨義也

謂於二百一十億諸佛淨土中捨人天之

惡取人天之善捨國土之醜取國土之好

也大阿彌陀經選擇義如是雙卷經意亦

有選擇義謂云攝取二百一十億諸佛妙

土清淨之行是也選擇與攝取其言雖異



其意是同然者捨不清淨行取清淨之行也上天人之善惡國土之廣妙其義亦然准之應知夫約四十八願一往各論選擇攝取之義者第一無三惡趣願者於所都見之二百一十億土中或有有三惡趣之國土或有無三惡趣之國土即選擇其有三惡趣處惡國土選取其無三惡趣善妙國

土故云選擇也第二不更惡趣願者於彼諸佛土中或有縱雖國中無三惡道其國人天壽終之後從其國去復更三惡趣之土或有不更惡道之土即選擇其更惡道處惡國土選取其不更惡道善妙國土故云選擇也第三乘皆金色願者於彼諸佛土中或有一土之中有黃白二類人天之



國土或有純黃金色之國土即選捨黃白  
二類麁惡國土選取黃金一色善妙國土  
故云選擇也第四無有好醜願者於彼諸  
佛土中或有人天形色好醜不同之國土  
或有形色一類無有好醜之國土即選捨  
好醜不同麁惡國土選取無有好醜善妙  
國土故云選擇也乃至第十八念佛往生

願者於彼諸佛土中或有以布施為往生  
行之土或有以持戒為往生行之土或有  
以忍辱為往生行之土或有以精進為往  
生行之土或有以禪定為往生行之土或  
有以般若信第一義為往生行之土或有  
以菩提心為往生行之土或有以六念為  
往生行之土或有以持經為往生行之土



或有以持咒為往生行之土或有以起立塔像飯食沙門及以孝養父母奉事師長等種種之行各為往生行之國土等或有專稱其國佛名為往生行之土如此以一行配一佛土者且一往之義也再往論之其義未定或有一佛土中以多行為往生行之土或有多佛土中以一行通為往

生行之土如是往生行種種不同不可具述也即今選捨前布施持戒乃至孝養父母等諸行選取專稱佛号故云選擇也且約五願略論選擇其義如自餘諸願准之應知問曰普約諸願選捨麁惡選取善妙其理可然何故第十八願選捨一切諸行唯偏選取念佛一行為往生本願乎答



曰聖意難測不能輒解雖然令試以二義  
 解之一者勝劣義二者難易義初勝劣者  
 念佛是勝餘行是劣所以者何名号者是  
 万德之所歸也然則弥陀一佛所有四智  
 三身十力四無畏等一切內證功德相好  
 光明說法利生等一切外用功德皆悉攝  
 在阿弥陀佛名号之中故名号功德最為

勝也餘行不然各守一偶是以為劣也譬  
 如世間屋舍名字之中攝棟梁椽柱等一  
 切家具棟梁等一一名字中不能攝一切  
 以之應知然則佛名号功德勝餘一切功  
 德故捨劣取勝以為本願歟次難易義者  
 念佛易修諸行難修是故往生禮讚云問  
 曰何故不令作觀直遣專稱名号者有何



意也。答曰：乃由衆生障重境細，心麁識颺，神飛觀難成就。也是以大聖悲憐，直勸專稱名字。正由稱名易故，相續即生。又往生要集問曰：一切善業各有利益，各得往生。何故唯勸念佛一門？答曰：今勸念佛，非是遮餘種種妙行。只是男女貴賤，不簡行住坐卧，不論時處，諸緣修之，不難。乃至臨終，願求往生，得其便宜，不如念佛。上故知念佛易故，通於一切諸行。難故不通諸機。然則為令一切衆生平等往生，捨難取易，為本願。歟？若夫以造像起塔而為本願者，貧窮困乏之類，是絕往生。望然富貴者少，貧賤者甚多。若以智慧高才而為本願者，愚鈍下智者，定絕往生。望然智者少，愚

異擧上



癡者甚多若以多聞多見而為本願者少  
聞少見輩定絕往生望然多聞者少少聞  
者甚多若以持戒持律而為本願者破戒  
無戒人定絕往生望然持戒者少破戒者  
甚多自餘諸行准之應知當知以上諸行  
等而為本願者得往生者少不往生者多  
然則弥陀如來法藏比丘之昔被催平等

慈悲普為攝於一切不以造像起塔等諸  
行為往生本願唯以稱名念佛一行為其  
本願也故法照禪師五會法事讚云彼佛  
因中立弘誓聞名念我愍迎來不簡貧窮  
將富貴不簡下智與高才不簡多聞持淨  
戒不簡破戒罪根深但使迴心多念佛能  
令瓦礫變成金上問曰一切菩薩雖立其



願或有已成就亦有未成就未審法藏菩薩四十八願已為成就將為未成就也答曰法藏誓願一一成就何者極樂界中既無三惡趣當知是即成就無三惡趣之願也何以得知即願成就文云亦無地獄餓鬼畜生諸難之趣是也又彼國人天壽終之後無更三惡趣當知是即成就不更惡

趣之願也以何得知即願成就文云又彼菩薩乃至成佛不更惡趣是也又極樂人天既以無有一人不具三十二相當知是即成就具三十二相願也以何得知即願成就文云生彼國者皆悉具足三十二相是也如是初自無三惡趣願終至得三法忍願一一誓願皆以成就第十八念佛往



生願豈孤以不成就乎然則念佛之人皆  
以往生以何得知即念佛往生願成就文  
云諸有衆生聞其名号信心歡喜乃至一  
念至心迴向願生彼國即得往生住不退  
轉是也凡四十八願莊嚴淨土華池寶閣  
無非願力何於其中獨可疑惑念佛往生  
願乎加之一願終云若不念者不取正

覺而阿彌陀佛成佛已來於今十劫成佛  
之誓既以成就當知一一之願不可虛設  
故善道云彼佛令現在世成佛當知本誓  
重願不虛衆生稱念必得往生問曰經  
云十念釋云十聲念聲之義如何答曰念  
聲是一何以得知觀經下品下生云令聲  
不絕具足十念稱南無阿彌陀佛稱佛名



故於念念中除八十億劫生死之罪今依  
 此文聲即是念念則是聲其意明矣加之  
 大集月藏經云大念見大佛小念見小佛  
 感師釋云大念者大聲念佛小念者小聲  
 念佛故知念即是唱也問曰經云乃至釋  
 云下至其意如何答曰乃至與下至其意  
 是一經云乃至者從多向少之言也多者

上盡一形也少者下至十聲一聲等也釋  
 云下至者下者對上之言也下者下至十  
 聲一聲等也上者上盡一形也上下相對  
 之文其例惟多宿命通願云設我得佛國  
 中人天不識宿命下至不知百千億那由  
 他諸劫事者不取正覺如是五神通及以  
 光明壽命等願中一一置下至之言是則



從多至少以下對上之義也例上八種之願今此願乃至者即是下至也是故令善道所引釋下至之言其意不相違但善導與諸師其意不同諸師之釋別云十念往生願善道獨惣云念佛往生願諸師別云十念往生願者其意即不周也所以然者上捨一形下捨一念之故也善導惣言念

佛往生願者其意即周也所以然者上取一形下取一念之故也

### 三輩念佛往生之文

佛告阿難十方世界諸天人其有至心願生彼國凡有三輩其上輩者捨家棄欲而作沙門發菩提心一向專念無量壽佛修諸功德願生彼國此等衆生臨壽終時無量壽佛



與諸大衆現其人前即隨彼佛往生其國便  
於七寶華中自然化生住不退轉智慧勇猛  
神通自在是故阿難其有衆生欲於今世見  
無量壽佛應發無上菩提之心修行功德願  
生彼國

中彼國

佛語阿難其中輩者十方世界諸天人其  
有至心願生彼國雖不能行作沙門大修功

德當發無上菩提之心一向專念無量壽佛  
多少修善奉持齋戒起立塔像飯食沙門懸  
繒燃燈散華燒香以此迴向願生彼國其人  
臨終無量壽佛化現其身光明相好具如真  
佛與諸大衆現其人前即隨化佛往生其國  
住不退轉功德智慧次如上輩者也  
佛告阿難其下輩者十方世界諸天人其



有<sup>ニ</sup>至<sup>テ</sup>心<sup>ノ</sup>欲<sup>シ</sup>生<sup>ク</sup>彼<sup>ノ</sup>國<sup>ニ</sup>假<sup>シ</sup>使<sup>ハ</sup>不<sup>レ</sup>能<sup>ク</sup>作<sup>ル</sup>諸<sup>ノ</sup>功<sup>ノ</sup>德<sup>ヲ</sup>當<sup>ニ</sup>發<sup>ス</sup>  
 無<sup>ニ</sup>上<sup>ノ</sup>喜<sup>ミ</sup>提<sup>ル</sup>之<sup>ノ</sup>心<sup>ヲ</sup>一<sup>ニ</sup>向<sup>テ</sup>專<sup>シ</sup>意<sup>ヲ</sup>乃<sup>チ</sup>至<sup>テ</sup>十<sup>ニ</sup>念<sup>ノ</sup>念<sup>ノ</sup>無<sup>ニ</sup>量<sup>ノ</sup>  
 壽<sup>ノ</sup>佛<sup>ヲ</sup>願<sup>シ</sup>生<sup>ク</sup>其<sup>ノ</sup>國<sup>ニ</sup>若<sup>シ</sup>聞<sup>ク</sup>深<sup>ク</sup>法<sup>ヲ</sup>歡<sup>シ</sup>喜<sup>シ</sup>信<sup>シ</sup>樂<sup>シ</sup>不<sup>レ</sup>生<sup>ク</sup>疑<sup>ハ</sup>  
 惑<sup>ヲ</sup>乃<sup>チ</sup>至<sup>テ</sup>一<sup>ニ</sup>念<sup>ノ</sup>念<sup>ノ</sup>於<sup>テ</sup>彼<sup>ノ</sup>佛<sup>ヲ</sup>以<sup>テ</sup>至<sup>テ</sup>誠<sup>ニ</sup>心<sup>ヲ</sup>願<sup>シ</sup>生<sup>ク</sup>其<sup>ノ</sup>國<sup>ニ</sup>  
 此<sup>ノ</sup>人<sup>ノ</sup>臨<sup>シ</sup>終<sup>ニ</sup>夢<sup>ニ</sup>見<sup>ル</sup>彼<sup>ノ</sup>佛<sup>ヲ</sup>亦<sup>チ</sup>得<sup>ル</sup>往<sup>ス</sup>生<sup>ク</sup>功<sup>ノ</sup>德<sup>ヲ</sup>智<sup>ノ</sup>慧<sup>ヲ</sup>次<sup>ニ</sup>  
 如<sup>シ</sup>中<sup>ノ</sup>輩<sup>ノ</sup>者<sup>也</sup>

私<sup>ニ</sup>問<sup>フ</sup>曰<sup>ク</sup>上<sup>ノ</sup>輩<sup>ノ</sup>文<sup>中</sup>念<sup>フ</sup>佛<sup>ノ</sup>之<sup>外</sup>亦<sup>チ</sup>有<sup>ル</sup>捨<sup>テ</sup>家<sup>ヲ</sup>棄<sup>テ</sup>

欲<sup>シ</sup>等<sup>ノ</sup>餘<sup>ノ</sup>行<sup>中</sup>輩<sup>ノ</sup>文<sup>中</sup>亦<sup>チ</sup>有<sup>ル</sup>起<sup>テ</sup>立<sup>テ</sup>塔<sup>ヲ</sup>像<sup>ヲ</sup>等<sup>ノ</sup>餘<sup>ノ</sup>  
 行<sup>中</sup>下<sup>ノ</sup>輩<sup>ノ</sup>文<sup>中</sup>亦<sup>チ</sup>有<sup>ル</sup>喜<sup>ミ</sup>提<sup>ル</sup>心<sup>等</sup>餘<sup>ノ</sup>行<sup>何</sup>故<sup>唯</sup>  
 云<sup>フ</sup>念<sup>フ</sup>佛<sup>ヲ</sup>往<sup>ス</sup>生<sup>ク</sup>乎<sup>答</sup>曰<sup>ク</sup>善<sup>ク</sup>道<sup>ヲ</sup>和<sup>シ</sup>尚<sup>ノ</sup>觀<sup>テ</sup>念<sup>フ</sup>法<sup>門</sup>  
 云<sup>フ</sup>又<sup>チ</sup>此<sup>ノ</sup>經<sup>下</sup>卷<sup>初</sup>云<sup>ク</sup>佛<sup>ノ</sup>說<sup>ク</sup>一<sup>切</sup>衆<sup>生</sup>根<sup>性</sup>  
 不<sup>レ</sup>同<sup>ラ</sup>有<sup>ル</sup>上<sup>中</sup>下<sup>ノ</sup>隨<sup>テ</sup>其<sup>ノ</sup>根<sup>性</sup>佛<sup>皆</sup>勸<sup>テ</sup>專<sup>シ</sup>念<sup>フ</sup>無<sup>ニ</sup>  
 量<sup>ノ</sup>壽<sup>ノ</sup>佛<sup>ノ</sup>名<sup>其</sup>入<sup>レ</sup>命<sup>欲</sup>終<sup>時</sup>佛<sup>與</sup>聖<sup>衆</sup>自<sup>來</sup>  
 迎<sup>接</sup>盡<sup>得</sup>往<sup>生</sup>依<sup>此</sup>釋<sup>意</sup>三<sup>輩</sup>共<sup>云</sup>念<sup>フ</sup>佛



往生也問曰此釋未遮前難何乘餘行唯  
云念佛乎答曰此有三意一為廢諸行歸  
於念佛而說諸行也二為助成念佛而說  
諸行也三約念佛諸行二門各為立三品  
而說諸行也一為廢諸行歸於念佛而說  
諸行者准云善導觀經疏中上來雖說足  
散兩門之益望佛本願意在衆生一向專

稱弥陀佛名之釋意且解之者上輩之中  
雖說善提心等餘行望上本願意唯在衆  
生專稱弥陀佛名而本願中更無餘行三  
輩共依上本願故云一向專念無量壽佛  
也一向者對二向三向等之言也例如彼  
五竺有三種寺一者一向大乘寺此寺之  
中無學小乘二者一向小乘寺此寺之中



無學大衆三者大小兼行寺此寺之中大  
小兼學故云兼行寺當知大小兩寺有一  
向言兼行之寺無一向言今此經中一向  
亦然若念佛外亦加餘行即非一向若准  
寺者可云兼行既云一向不兼餘明矣既  
先雖說餘行後云一向專念明知廢諸行  
唯用念佛故云一向若不念者一向之言

最以叵消歟二爲助成念佛說此諸行者  
此亦有二意一以同類善根助成念佛二  
以異類善根助成念佛初同類助成者善  
道和尚觀經疏中舉五種助行助成念佛  
一行是也具如上正雜二行之中說次異  
類助成者先就上輩而論正助者一向專  
念無量壽佛者是正行也亦是所助也捨



家棄欲而作沙門發菩提心等者是助行也亦是能助也謂往生之業念佛爲本故爲一向修念佛捨家棄欲而作沙門又發菩提心等也就中出家發心等者是指初出及以初發念佛是長時不退之行寧容妨礙念佛也中輩之中亦有起立塔像懸繒燃燈散花燒香等諸行是則念佛

助成也其旨見往生要集謂助念方法中方處供具等是也下輩之中亦有發心亦看念佛助正之義准前可知三約念佛諸行各爲立三品而說諸行者先約念佛立三品者謂此三輩中通皆云一向專念無量壽佛是則約念佛門立其三品也故往生要集念佛證據門二雙卷經三輩之業雖



有淺深然通皆云一向專念無量壽佛師感

同次約諸行門立三品者謂此三輩中通

皆有菩提心等諸行是則約諸行立其三

品也故往生要集諸行往生門云雙卷經三

輩亦不出此上凡如此三義雖有不同共

是所以為一向念佛也初義即是為廢立

而說謂諸行為廢而說念佛為立而說次

義即是為助正而說謂為助念佛之正業

而說諸行之助業後義即是為傍正而說

謂雜說念佛諸行二門以念佛而為正以

諸行而為傍故云三輩通皆念佛也但此

等三義最難知請諸學者取捨在心今

若依善道以初為正耳問曰三輩之業皆

云念佛其義可然但觀經九品與壽經三



輩本<sup>モト</sup>是開合異也若<sup>レ</sup>介者何壽<sup>ハシ</sup>經三輩之  
 中皆云念佛至觀經九品上中二品不說  
 念佛至下品始說念佛也答曰此有二義  
 一如問端云雙卷三輩觀經九品開合異  
 者以此應知九品之中皆有念佛云何  
 得知三輩之中皆有念佛九品之中盡無  
 念佛乎故往生要集云問念佛之行於九

品中是何品攝答若如說行理當上上如  
 是隨其勝劣應分九品然經所說九品行  
 業是示一端理實無量<sup>ナリ</sup>故知念佛亦可  
 通九品二觀經之意初廣說定散之行普  
 逗衆機後廢定散二善歸念佛一行可謂  
 汝好持是語等之文是也其義如下具述  
 故知九品之行唯在念佛矣

凡トイフコト



念佛利益之文

無量壽經下云佛語殊勌其有得聞彼佛名  
号歡喜踊躍乃至一念當知此人為得大利  
則是具足無上功德

善道禮讚云其有得聞彼弥陀佛名号歡喜  
至一念皆當得生彼

私問曰准上三輩文念佛之外舉菩提心

等功德何不歎彼等功德唯獨讚念佛功

德乎答曰聖意難測定有深意且依善道

一意而謂之者原夫佛意正直雅欲說唯

念佛之行隨機一往說菩提心等諸行分

別三輩淺深不同然於諸行者既捨而不

歎置而不可論者也唯就念佛一行既選

而讚歎思而各分別者也若約念佛分別



三輩此有二意一隨現念淺深而分別之  
二以念佛多少而分別之淺深者如上  
引若如說行理當上上是也次多少者下  
輩文中既有十念乃至一念數上中兩輩  
准此隨增觀念法門云日別念佛一萬遍  
亦須依時禮讚淨土莊嚴大須精進或得  
三万六万十万者皆是上品上生人當知

三万已上是上品上生業三万已去是上  
品已下業既隨念數多少分別品位是明  
矣今此言一念者是指上念佛願成就之  
中所言一念與下輩之中所明一念也願  
成就文中雅云一念未說功德大利又  
下輩文中雖云一念亦不說功德大利至  
此一念說為大利歎為無上當知是指上



一念也此大利者是對小利之言也然則  
以喜提心等諸行而為小利以乃至一念  
而為大利也又無上功德者是對有上之  
言也以餘行而為有上以念佛而為無上  
也既以一念為一無上當知以十念為十  
無上又以百念為百無上又以千念為千  
無上如是展轉從少至多念佛恒沙無上

功德復應恒沙如是應知然者諸願求往  
生之人何廢無上大利念佛強假有上小  
利餘行乎

末法萬年後餘行悉滅特留念佛之文  
無量壽經卷下云當來之世經道滅盡我以  
慈悲哀愍特留此經止住百歲其有眾生值  
此經者隨意所願皆可得度



私問曰經唯云特留此經止住百歲全不  
 云特留念佛止住百歲然今何云特留念  
 佛哉答曰此經所詮全在念佛其旨見前  
 不能再出善道懷感惠心等意復亦如是  
 然則此經止住者即念佛止住也所以然  
 者此經雅有善提心之言未說善提心之  
 行相又雅有持戒之言未說持戒之行相

而說善提心行相者廣在善提心經等彼  
 經先滅善提心之行何曰修之又說持戒  
 行相者廣在大小戒律彼戒律先滅持戒  
 之行何曰修之自餘諸行佳之應知故善  
 道和尙往生禮讚釋此文云万年三寶滅  
 此經住百年今時間一念皆當得生彼又  
 釋此文略有四意一者聖道淨土二教住



滅前後二者十方西方二教住滅前後三者兜率西方二教住滅前後四者念佛諸行二行住滅前後也一聖道淨土二教住滅前後者謂聖道門諸經先滅故云經道滅盡淨土門此經特留故云止住百歲也當知聖道機緣淺薄淨土機緣深厚也二十方西方二教住滅前後者謂十方淨土

往生諸教先滅故云經道滅盡西方淨土往生此經特留故云止住百歲也當知十方淨土機緣淺薄西方淨土機緣深厚也三兜率西方二教住滅前後者謂上生心地等上生兜率諸教先滅故云經道滅盡往生西方此經特留故云止住百歲也當知兜率難近緣淺極樂難遠緣深也四念



佛諸行二行住滅前後者諸行往生諸教  
 先滅故云經道滅盡念佛往生此經特留  
 故云止住百歲也當知諸行往生機緣最  
 淺念佛往生機緣甚深也加之諸行往生  
 緣少念佛往生緣多又諸行往生近為末  
 法万年之時念佛往生遠露法滅百歲之  
 代也問曰既云我以慈悲哀愍特留此經

止住百歲若尔者釋尊以慈悲而留經教  
 何經何教而不留也而何不留餘經唯留  
 此經乎答曰縱雅留何經別指一經者亦  
 不避此難但特留此經有其深意歟若依  
 善道和尚意著此經之中已說於陀如來  
 念佛往生本願釋迦慈悲為留念佛殊留  
 此經餘經之中未說於陀如來念佛往生



本願故釋尊慈悲以而不留之也凡四十  
八願皆雅本願殊以念佛為往生規故善  
道釋云弘誓多門四十八偏標念佛最為  
親人能念佛佛還念專心想佛佛知人  
故知四十八願之中既以念佛往生之願  
而為本願中之王也是以釋迦慈悲特以  
此經止住百歲也例如彼觀無量壽經中

不付屬定散之行唯孤付屬念佛之行是  
即順彼佛願之故付屬念佛一行也問曰  
百歲之間可留念佛其理可然此念佛行  
唯為被彼時機將為通於正像末法之機  
也答曰廣可通於正像末法舉後勸令其  
義應知  
弥陀光明不照餘行者唯攝取念佛行者



之文

觀無量壽經云無量壽佛有八万四千相一  
一相各有八万四千隨形好一一好復有八  
万四千光明一一光明遍照十方世界念佛  
衆生攝取不捨

同經疏云從無量壽佛下至攝取不捨已來  
正明觀身別相光益有緣即有其五一明相

多少二明好多多少三明光多少四明光照遠  
近五明光所及處偏蒙攝益問曰備修衆行  
但能迴向皆得往生何以佛光普照唯攝念  
佛者有何意也答曰此有三義一明親緣衆  
生起行口常稱佛佛即聞之身常禮敬佛佛  
即見之心常念佛佛即知之衆生憶念佛者  
佛亦憶念衆生彼此三業不相捨離故名親



緣也二明近緣衆生願見佛佛即應念現在  
目前故名近緣也三明增上緣衆生稱念即  
除多劫罪命欲終時佛與聖衆自來迎接諸  
邪業較系無能礙者故名增上緣也自餘衆行  
雖名是善若比念佛者全非比校也是故諸  
經中處處廣讚念佛功能如無量壽經四十  
八願中唯明專念弥陀名号得生又如弥陀

經中一日七日專念弥陀名号得生又十方  
恒沙諸佛證誠不虛也又此經定散文中唯  
標專念名号得生此例非一也廣顯念佛三  
昧竟

觀念法門云又如前身相等光一一遍照十  
方世界但有專念阿弥陀佛衆生彼佛心光  
常照是人攝護不捨惣不論照攝餘雜業行



者

私問曰佛光明唯照念佛者不照餘行者  
有何意乎答曰解有二義一者親緣等三  
義如文二者本願義謂餘行非本願故不  
照攝之念佛是本願故照攝之故善道和  
尚六時禮讚云弥陀身色如金山相好光  
明照十方唯有念佛蒙光接當知本願最

為強ユレト又所タ列文中言自餘衆善雅名是  
善若比念佛者全非比較也者意云是約  
淨土門諸行而所比論也念佛是既二百  
一十億中所選取妙行也諸行是既二百  
一十億中所選捨麁行也故云全非比較  
也又念佛是本願行諸行是非本願故云  
全非比較也



念佛行者必可具足三心之文

觀無量壽經云若有衆生願生彼國者發三種心即便往生何等爲三一者至誠心二者深心三者迴向發願心具三心者必生彼國同經疏云經云一者至誠心至者真誠者實欲明一切衆生身口意業所修解行必須真實心中作不得外現賢善精進之相內懷虛

假貪嗔邪偽奸詐百端惡性難侵事同蛇蝎

雖起三業名爲雜毒之善亦名虛假之行不

名真實業也若作如此安心起行者縱使苦

勵身心日夜十二時急走急作如炙頭燃者

衆名雜毒之善欲迴此雜毒之行未生彼佛

淨土者此必不可也何以故正由彼阿彌陀

佛因中行菩薩行時乃至一念一剎那三業



所修皆是真實心中ナクテ作凡所施為趣シテ求亦皆ク真實又真實有ニ二種一者自利真實ニ二者利他真實言自利真實者復有タリ二種一者真實心中制捨自他諸惡及穢國等行住坐卧想フモフ同一切菩薩制捨諸惡我モ如是也中二者真實心中勤修自他凡聖等善真實心中口業フモテ讚歎彼阿彌陀佛及依正二報又真實心中

口業毀厭三界六道等自他依正二報苦惡之事亦讚歎一切衆生三業所為善若非善業者敬而遠之亦不隨喜也又真實心中身業合掌礼敬四事等供養彼阿彌陀佛及依正二報又真實心中身業輕慢厭捨此生死三界等自他依正二報又真實心中意業思想觀察憶念彼阿彌陀佛及依正二報如現スルカ



目前又真實心中意業輕賤厭捨此生死三  
界等自他依正二報不善三業必須真實心  
中捨又若起善三業者必須真實心中作不  
簡內外明闇皆須真實故名至誠心二者深  
心言深信者即是深信之心也亦有二種一  
者決定深信自身現是罪惡生死凡夫曠劫  
已來常沒常流轉無有出離之緣二者決定

深信彼阿彌陀佛四十八願攝受衆生無疑  
無慮乘彼願力定得往生又決定深信釋迦  
佛說此觀經三福九品定散二善證讚彼佛  
依正二報使人欣慕又決定深信弥陀經中  
十方恒沙諸佛證勸一切凡夫決定得生又  
深信者仰願一切行者等一心唯信佛語不  
願身命決定依行佛遺捨者即捨佛遺行者



即行佛遺去處即去是名隨順佛教隨順佛  
意是名隨順佛願是名真佛弟子又一切行  
者但能依此經深信行者必不悞衆生也何  
以故佛是滿足大悲人故實語故除佛已還  
智行未滿在其學地由有正習二障未除果  
願未圓此等凡聖縱使測量諸佛教意未能  
決了雖有平章要須請佛證爲定也若稱佛

意即印可言如是如是若不可佛意者即言  
汝等所說是義不如是不印者即同無記無  
利無益之語佛印可者即隨順佛之正教若  
佛所有言說即是正教正義正行正解正業  
正智若多若少衆不問菩薩人天等定其是  
非也若佛所說即是了教菩薩等說盡名不  
了教也應知是故今時仰勸一切有緣往生







通説人天菩薩之解行今説觀經定散二善  
唯爲韋提及佛滅後五濁五苦等一切凡夫  
證言得生爲此因縁我令一心依此佛教決  
定奉行縱使汝等百千萬億道不生者唯增  
長成就我往生信心也又行者更向説言仁  
者善聽我今爲汝更説決定信相縱使地前  
菩薩羅漢辟支佛等若一若多乃至遍滿十

方皆引經論證言不生者我亦未起一念疑  
心唯增長成就我清淨信心何以故由佛語  
決定成就了義不爲一切所破壞故又行者  
善聽縱使初地已上十地已來若一若多乃  
至遍滿十方異口同音皆云釋迦佛指讚旃  
陀毀咎三界六道勸勵衆生專心念佛及修  
餘善畢此一身後必定生彼國者此必虛妄



不可依信也我雖聞此等所說亦不生一念  
疑心唯增長成就我決定上上信心何以故  
乃由佛語真實決了義故佛是實知實解實  
見實證非是疑惑心中語故又不爲一切菩  
薩異見異解之所破壞若實是菩薩者衆不  
違佛教也又置此事行者當知縱使化佛報  
佛若一若多乃至遍滿十方各各輝光吐舌

遍覆十方一一說言釋迦所說相讚勸發一  
切凡夫專心念佛及修餘善迴願得生彼淨  
土者此是虛妄定無此事也我雖聞此等諸  
佛所說畢竟不起一念疑退之心畏不得生  
彼佛國也何以故一佛一切佛所有知見解  
行證悟果位大悲等同無少差別是故一佛  
所制即一切佛同制如似前佛制斷斂生十



惡等罪畢竟不犯不行者即名十善平行隨  
順六度之義若有後佛出世豈可改前十善  
令行十惡也以此道理推驗明知諸佛言行  
不相違失縱令釋迦指勸一切凡夫盡此一  
身專念專修捨命已後定生彼國者即十方  
諸佛悉皆同讚同勸同證何以故同躰大悲  
故一佛所化即是一切佛化一切佛化即是

一佛所化即彌陀經中說釋迦讚歎極樂種  
種莊嚴又勸一切凡夫一日七日一心專念  
弥陀名号定得往生次下文云十方各有恒  
沙等諸佛同讚釋迦能於五濁惡時惡世界  
惡衆生惡煩惱惡邪無信盛時指讚弥陀名  
号勸勵衆生稱念必得往生即其證也又十  
方佛等恐畏衆生不信釋迦一佛所說即共



同心同時各出舌相遍覆三千世界說誠實  
言汝等衆生皆應信是釋迦所說所讚所證  
一切凡夫不問罪福多少時節久近但能上  
盡百年下至一日七日一心專念弥陀名号  
定得往生必無疑也是故一佛所說即一切  
佛同證誠其事也此名就人立信也次就行  
立信者然行有二種一者正行二者雜行  
如前云云

二行之中所引恐  
繁不載見人得意  
三者迴向發願心言迴向  
發願心者過去及以今生身口意業所修世  
出世善根及隨喜他一切凡聖身口意業  
修世出世善根以此自他所修善根悉皆真  
實深信心中迴向願生彼國故名迴向發願  
心也又迴向發願生者必須決定真實心中  
迴向願作得生想此心深信由若金剛不爲



一切異見異學別解別行人等之所動亂破壞唯是決定一心捉正直進不得聞彼人語即有進退心生怯弱迴顧落道即失往生之大益也問曰若有解行不同邪雜人等來相惑亂或說種種疑難道不得往生或云汝等衆生曠劫已來及以今生身口意業於一切凡聖身上具造十惡五逆四重謗法闡提破

戒破見等罪未能除盡然此等之罪繫屬三界惡道云何一生修福念佛即入彼無漏無生之國永得證悟不退位也答曰諸佛教行數越塵沙真識機緣隨情非一譬言如世間人眼可見可信者如明能破闇空能含有地能載養水能生潤火能成壞如此等事悉名待對之法即目可見千差万別何況佛法不思



議之力豈無種種益也隨出一門者即出一  
煩惱門也隨入一門者即入一解脫智慧門也  
為此隨緣起行各求解脫汝何以乃將非有  
緣之要行耶惑於我然我之所愛即是我有  
緣之行即非汝所求汝之所愛即是汝有緣  
之行亦非我取求是故各隨取樂而修其行者  
必疾得解脫也行者當知若欲學解從凡至

聖乃至佛果一切無礙皆得學也若欲學行  
者必藉有緣之法少用功勞多得益也又白  
一切往生人等今更為行者說一譬喻守護  
信心以防外邪異見之難何者是也譬如有  
人欲向西行百千之里忽然中路見有二河一  
是火河在南二是水河在北二河各闊百步  
各深無底南北無邊正水火中間有一白道



可闊四五寸許此道從東岸至西岸亦長百  
步其水波浪交過濕道其火燄亦來燒道水  
火相交常無休息此人既至空曠迥處更無  
人物多有群賊惡獸見此人單獨競來欲煞  
此人怖死直走向西忽然見此大河即自念  
言此河南北不見邊畔中間見一白道極是  
狹少二岸相去雖近何由可行今日定死不

疑正欲到迴群賊惡獸漸漸來逼正欲南北  
避走惡獸毒虫競來向我正欲向西尋道而  
去復恐隨此水火二河當時惶怖不復可言  
即自思念我今迴亦死住亦死去亦死一種  
不勉死者我寧尋此道向前而去既有此道  
必應可度作此念時東岸忽聞人勸聲仁者  
但決定尋此道行必無死難若住即死又西



岸上有人喚言汝一心正念直來我能護汝  
 衆不畏隨於水火之難此人既聞此遣彼喚  
 即自正當身心決定尋道直進不生疑怯退  
 心或行一分二分東岸群賊等喚言仁者迴  
 來此道嶮惡不得過必死不疑我等衆無惡  
 心相向此人雖聞喚聲亦不迴顧一心直進  
 念道而行須臾即到西岸永離諸難善友相

見慶樂無已此是喻也次合喻者言東岸者  
 即喻此娑婆之火宅也言西岸者即喻極樂  
 寶國也言群賊惡獸詐親者即喻衆生六根  
 六識六塵五陰四大也言無人空迥澤者即  
 喻常隨惡友不值真善知識也言水火二河  
 者即喻衆生貪愛如水瞋憎如火也言中間白  
 道四五寸者即喻衆生貪瞋煩惱中能生清淨



願往生心也乃由貪瞋強故即喻如水火善  
 心微故喻如白道又水波常濕道者即喻愛  
 心常起能染汚善心也又火燄常燒道者即  
 喻瞋嫌之心能燒功德之法財也言人行道  
 上直向西者即喻迴諸行業直向西方也言  
 東岸聞人聲勸遣尋道直西進者即喻釋迦  
 已滅後人不見由有教法可尋即喻之如聲

也言或行一分二分群賊等喚迴者即喻別  
 解別行惡見人等妄說見解迭相惑亂及自  
 造罪退失也言西岸上有人喚者即喻弥陀  
 願意也言須臾到西岸善友相見喜者即喻  
 衆生久沉生死曠劫淪迴迷倒自纏無由解  
 脫仰蒙釋迦發遣指向西方又藉弥陀悲心  
 招喚今信順二尊之意不顧水火二河念念



無遺棄彼願力之道捨命已後得生彼國與  
 佛相見慶喜何極也又一切行者行住坐卧  
 三業所修無間晝夜時節常作此解常作此  
 想故名迴向發願心又言迴向者生彼國已  
 還起大悲迴入生死教化衆生亦名迴向也  
 三心既具無行不成願行既成若不生者無  
 有是處也又此三心亦通攝定善之義應知

往生禮讚云問曰今欲勸人往生者未知若  
 為安心起行作業足得往生彼國土也答曰  
 必欲往生淨國土者如觀經說者具三心者必  
 得往生何等為三者至誠心所謂身業禮  
 拜彼佛口業讚歎稱揚彼佛意業專念觀察  
 彼佛凡起三業必須真實故名至誠心二者  
 深心即是真實信心信知自身是具足煩惱



凡夫善根薄少流轉三界不出火宅今信知  
弥陀本弘誓願及稱名号下至千聲一聲等  
定得往生乃至一念無有疑心故名深心三  
者迴向發願心所作一切善根悉皆迴願往  
生故名迴向發願心具此三心必得生也若  
少一心即不得生如視經具說應知  
私云所引三心者是行者至要也所以者

何經則云具三心者必生彼國明知具三  
必應得生釋則云若少一心即不得生明  
知一少是更不可因茲欲生極樂之人全  
可具足三心也其中至誠心者是真實心  
也其相如彼文但外現賢善精進相內懷  
虛假者外者對內之辭也謂外相與內心  
不調之意即是外智內愚也賢者對愚之



言也謂外是賢內即愚也善者對惡之辭也謂外是善內即惡也精進者對懈怠之辭也謂外示精進相內即懷懈怠心也若夫翻外蓄內者祇應備出要內懷虛假等者內者對外之辭也謂內心與外相不調之意即是內虛外實也虛者對實之言也謂內虛外實者也假者對真之辭也謂內假

外真也若夫翻內播外者亦可足出要次深心者謂深信之心當知生死之家以疑為所止涅槃之城以信為能入故今建立二種信心次定九品往生者也又此中言一切別解別行異學異見等者是指聖道門解行學見也其餘即是淨土兩意在文可見明知善道之意亦不出此二門也迴



向發願心之義不可俟別釋行者應知之  
 此三心者總而言之通諸行法別而言之  
 在往生行今舉通攝別意即周矣行者能  
 用心敢勿令忽緒

選擇本願念佛集



